

Leeter masa Pawl ma wuzlala
 nga dey cew a
 Timawte
 Mey da ray

Leeter masa Pawl ma wuzlala nga dey
 cew a Timawte

Pawl a wuzlala leeter keɗe na, daa masa anɗa daa fərsəne da Rawm saya (1.8). Fara fara anɗa daa banay, a nəka na, ndaw mekele da cakay a daa ba, si Luk taava anɗa gway. Asaya, a wulkey a da məcey. A wuzlala leeter e na, ngada Timawte, ndaw masa anɗa ma wuɗa kalah anda bəzey anɗa. Timawte he na, anɗa da Efez nga vɔltar gɔdanɗ a ndəhay daa mecəmey-ray nga ndəhay nga Yesu fetede.

Pawl a wuzlala leeter e keɗe na, amba Timawte a daw a hətfar fiyaw. Pawl a, a wuɗey nga vɔlar gɔdanɗ, asaya, nga kəta da ray sləra nga key ngada fa mey, maja a wulkey anɗa na, Rawma hay fa da kəɗmara vagay.

Mey mahura daa leeter e keɗe na, ara mey da ray menjey maaya daa cəvedɗ nga Yesu. Menjey maaya daa cəvedɗ nga Yesu na, ara anda ndaw-sewje mejerey daa vəram. Nga njeɗ maaya ha na, si ndaw a bəsa banay, asaya, si a pa Yesu nga Bay anɗa Mahura, a key hwaray maja ba. Pawl a wuɗey Timawte a key baazlam da ray mey hay saw ba, a mbəɗtar dəba ngada ndəhay ma ka cek malamba hay, asaya, a wuɗey amba a key cek anda Pawl ma ka. Pawl a wuɗey meesərkedey anɗa ta meesərkedey maaya nga bay-ray hay mekele mekele na, Timawte a mbəkda ba.

Daa leeter e keḏe na, mey mekele mekele daha nga vøley gødanj a ndøhay:

Mekey hwaray nga kedey mey da ray Bay aløkwa Mahura ba (1.8-10)

Maaya na, gula hay a hwam dørej ta cek maaya ba (2.22)

Derewel nga Gazlavay aa ta gødanj nga jønta ndøhay (3.16)

Mecey-har

¹ Ara yah, Pawl, ma wuzlalakawa leeter keḏe. Yah na, *ndaw-meslørey nga *Yesu *Køriste anda *Gazlavay ma wuḏey. Gazlavay a slørdaya fa ndøhay amba ya wuzdatara mey da ray heter mendøvey ba masa Gazlavay ma løvey a da vøldatara a ndøhay macømkaya ta Yesu Køriste heyey.

² Ya wuzlala leeter keḏe na, ngada kah, Timawte, bøz aḏaw masa yah ma wuḏa kalah.

Anja Gazlavay, Papa aløkwa ta Yesu Køriste, Bay aløkwa nga pøsmaka mey, nga sørfamaka dey-ceceh, asaya, nga njadamaka daa zazay.

Pawl a kar suse a Gazlavay maja Timawte

³ Ya fa sørfadaka mandaw mandaw taa vaḏ, taa pas daa medørey-danġay aḏaw. Ya fa kar suse a Gazlavay maja kah. Ya fa nar ray ta mevel maaya anda papanj nga papa ala hay ma namar ray zleezle. ⁴ Masa kah ma tøway * heyey na, ya fa sørfada. Anda keḏe, matakvam akah fa kaya. Ya wuḏey nga høtka fa dey amba yaa sømey ga. ⁵ Ya kar

1:1 1.1 1Tm 2.7 1:2 1.2 Timawte: 1Tm 1.2; 1Kwr 4.17 1:3 1.3 Føl 3.5; 1Tm 1.5 * 1:4 1.4 ma tøway: Daa masa Pawl fa da mbøkdata ndøhay da Efez na, Timawte ta tøway la maja. Nøka SNM 20.37ta 1Tm 1.3.

suse a Gazlavay maja ya fa sɔrfada, ka ta pa Yesu *Kɔriste la nɔa ndaw akah fara fara ta mevel pal, anda mamaŋ nɔa mamakw Lawis ta mamakw Enis ma pamara nɔa ndaw ata fara fara teeseɗ da ray akah. Ahaw, ya sɔra ka fa pa Yesu nɔa ndaw akah fara fara may.

⁶ Da ray nɔgene, ya fa lɔvka saya: key slɔra ma fɔna ma fɔna ta gɔdan masa Gazlavay ma vɔldakawa daa masa yah ma paka har a ray heyey. ⁷ Fara fara, Mesɔfney masa Gazlavay ma vɔldandakwara na, ara Mesɔfney nɔa key slɔra ta mandɔrzay daa dey ba. Mesɔfney nɔa ha, a vɔldakwar gɔdan, a jɔndakwar nɔa wuɗey vaw, a pandakwar lenɔesl nɔa wey vaw.

⁸ Da ray nɔgene, ka da key hwaray nɔa kedey mey da ray Bay alɔkwa Mahura ba. Fara fara yah daa fɔrsɔne maja nɔa. Anda keɗe, ka da key hwaray nɔa kedey mey da ray aɗaw ba may. Ama maja *Mey-maaya-mawiya na, bɔsa banay ta gɔdan masa Gazlavay ma vɔldakawa anda yah ma bɔsa. ⁹ Gazlavay ta lɔhdandakwar la, ta zɔldakwar la amba ya tɔrkwa nɔa ndɔhay nɔa hay. A ka anda keɗe na, maja cek hay maaya hay masa alɔkwa ma kakwa ba, ama maja aa ma wuɗey nɔa pɔsndakwar mey cɔnɔa. Daa masa bɔla ta zlawa daa ba araŋ, Gazlavay a wuɗey nɔa pɔsndakwar mey maja slɔra masa Yesu Kɔriste ma da ka.

¹⁰ Wure keɗe, mepɔsey-mey a ta wuswa cay, maja Yesu Kɔriste, ndaw ma lɔhdandakwar, ma sawa a bɔla. Ara maja nɔa, gɔdan nɔa memɔcey daa saba, asaya, ara nɔa ma vɔltar heter mendɔvey ba a ndɔhay ta fa Mey-maaya-mawiya.

¹¹ Yah na, Gazlavay ta paya la nɔa ndaw nɔa meslɔrey,

1:5 1.5 SNM 16.1 1:6 1.6 a paka har a ray: 1Tm 4.14; 5.22 1:7 1.7 Rm 8.15 1:8 1.8 2.9; Rm 1.16 1:9 1.9 Ef 2.8-9; Tit 3.5 1:10 1.10 Jarŋ 1.14; Tit 3.6; memɔcey, heter mendɔvey ba: 1Kwr 15.20, 55, 57; Heb 2.14-15

amba ya wuzdatara Mey-maaya-mawiya keŋe a ndəhay, yaa sərkadata. ¹² Da ray ŋgene, ya fa sərey banay daa fərsəne keŋe. Ama hwaray fa kaya maja daa ba, maja ya səra ndaw masa yah ma pa ŋga ndaw aɗaw fara fara. Ya səra fara fara aŋga na, aa ta gədan ŋga jəɗa Mey-maaya-mawiya masa aa ma mbəkdiwa a har aɗaw haa kasl pas masa aa ma da vəhwa.

¹³ Da masa ka fa wuzey mey ŋga Gazlavay na, wuzey mey hay maaya fara fara letək ta mey hay masa yah ma wuzdatakawa maaya. Təba mey a amba ka hətey gədan daa mey ŋga Yesu ma fəna ma fəna, wudta ndəhay maja kah macəmkaya ta Yesu Kəriste. ¹⁴ Mey-maaya-mawiya masa Gazlavay ma mbəkdamaya a har akah keŋe na, ka da vəley cəved a ndaw ŋga mbəɗda mey a wal ba. Ka da ka anda keŋe ta gədan ŋga *Mesəfney ŋga Gazlavay masa aa daa mevel aləkwa.

Mey da ray Awnesifar

¹⁵ Ka səra, ndəhay tabiya ma təba mey ŋga Gazlavay daa hwayak ŋga Azi na, ta mbəkdamaya sem. Kwa ata Figel ta Hərmawzen may, ta mbəkdamaya sem. ¹⁶ Ama Awnesifar na, ta pas langar fa sawa ŋga vəlya gədan. Anja Bay Gazlavay ŋga pəstar mey a ndəhay da way aŋga. Awnesifar na, kwa ta key hwaray ta ndəhay ŋga nəkyawa daa fərsəne na, daa ba. ¹⁷ Ama, sasəkar jak, aŋga ma sawa aa berney ŋga *Rawm feɗe na, ta', a səpya ta dək-vaw haa aa ma hətya. ¹⁸ Ka fa səra maaya maaya aŋga ta jənya la ga daa masa yah da Efez. Anja Bay Gazlavay ŋga sərfar dey-ceceh ta pas sariya.

2

Mey da ray ndaw nga Yesu ma key sləra maaya

¹ Bəz aɗaw, jerey maaya maaya amba Gazlavay a vəlka gədaŋ ma fəna ma fəna ta fa maaya anɗa masa aləkwa ma hətakwa fa Yesu *Kəriste. ² Mey masa kah ma cənda fa yah zleezle masa yah ma wuzda fa mey nga ndəhay ga heyey na, wuzdatara a ndəhay ma təba mey nga Yesu ta mevel pal ma gwamara ngaa sərkadamatara a ndəhay mekele.

³ Da banay a hətfaka maja Yesu Kəriste na, bəsa banay a anda kah na, sewje anɗa masa maaya. ⁴ Da sewje masa maaya, anɗa daa vəram, a wudəy amba bay anɗa aa həmda na, kwa a wulkey ta cek hay mekele ba, si ta vəram a gway. ⁵ Wulkey may, da ray ndəhay ma kam kwakurɗa. Da ndaw ta ka ta cəved e daa ba na, a gwa nga hətey cek maja anɗa ma fənta ndəhay mekele na, daa ba.

⁶ Wulkey da ray ndaw mehəvey, fa sərey banay kalah. Anja maaya na, anɗa ma da zəma cek masa anɗa ma həva ha teesed. ⁷ Yaw, wulkey da ray mey aɗaw hay masa yah ma kadakawa keɗe. Anda keɗe, Bay aləkwa Mahura a vəlka leŋgesl la nga cənda mabara nga mey aɗaw hay a tabiya.

⁸ Wulkey da ray Yesu Kəriste, səkway nga Bay *Davit. Ta məcey la, ama ta sləkɗawa sem daa meməcey. Keɗe ara *Mey-maaya-mawiya masa yah ma wuzdatara a ndəhay. ⁹ Ara maja Mey-maaya-mawiya ha, wure keɗe ya fa sərey banay haa a jəwmaya ta calalaw aa fərsəne, anda yah ndaw-mayal ma sla ɗay nga ndaw. Ama mey nga Gazlavay na, majəwkaya daa ba. Ndəhay mekele fa wuzdamara cənga. ¹⁰ Da ray ngene, ya fa bəsa banay tabiya ma sawa a ray aɗaw, amba ndəhay masa Gazlavay

ma walata, a ləham ta fa Yesu Kəriste, a njam ta Gazlavay daa slam anɣa mewedeŋey nɣa sərmataw.

¹¹ Ehe, mey masa yah ma daa guzlda kaa na, ara mey masa fara fara:

«Da aləkwa ta məckwa ta Yesu la na,
ya sləkɗakurwa la nɣa njey ta dey ta anɣa may.

¹² Da aləkwa ta bəskwa banay a la na,
ya da wakwa da ray cek hay bama ta anɣa may.

Ama da aləkwa ta ləvkwa sem ya sərkwa ba na,
anɣa may, a da ləvey a sərndakwar ba.

¹³ Kwa da ya mbəkɗakwa mey anɣa na,
ama anɣa na, fa da mbəkɗa mey anɣa daa ba,
maja a gwa nɣa nəsa ray anɣa ba.»

Mey da ray sləra ma mbafar a Gazlavay

¹⁴ Wurtar sləmay da ray mey keɗe a ndəhay. Kətata ta mezəley nɣa Gazlavay, amba a kam baazlam saw da ray mey hay ba. Fara fara, mekey baazlam saw na, ara cek nɣa tede, a nəsta ndəhay ma jəkam sləmay fa baazlam a. ¹⁵ Kah na, key gədaŋ, amba Gazlavay aa səmey da ray akah. Ka sləra akah maaya anda ndaw ma key sləra ma par hwaray ba. Anda meləvey, wuzdatara mey masa fara fara a ndəhay ta cəved e. ¹⁶ Yaw, baazlam mehursley na, ka da ndəkwey a hwaɗ a ba, maja ara cek ma mbafar a Bay Gazlavay ba. Ndəhay ma kam baazlam anda nɣene na, faa zəɗam daa cəved nɣa Bay Gazlavay ma fəna ma fəna.

¹⁷ Mey masa ata ma wuzdamara na, a bədhey anda mbəlek gurleŋ. Ata Himene ta Filet na, ata da wuzlah ndəhay ma kam baazlam a. ¹⁸ Ta mbəkdamara mey masa fara fara sem, a mbərzlam, a ləvam Gazlavay ta sləkɗadatərwa

2:10 2.10 Rm 5.2; Kwa 1.24 2:11 2.11 Rm 6.8 2:12 2.12 Mt 10.32-33;
Rm 5.17 2:13 2.13 Rm 3.3-4 2:14 2.14 1Tm 1.3-7; 6.4; Tit 3.9 2:15
2.15 1Tm 1.10 2:16 2.16 1Tm 1.4 2:17 2.17 Himene: 1Tm 1.20

ndøhay daa memøcey cay. Da ray ñgene, ndøhay mekele hay, ta mbøkdamura cøved ñga Gazlavay sem maja mey ata ha. ¹⁹ Ama mey masa Gazlavay ma kada na, aa fara fara, a mbødey ba. Mey a na, anda salay ñga way masa ta gødañ. Ehe, mey mawuzlalakaya da ray a, a løvey: «Bay Gazlavay a sørta ndøhay aña hay.» Mawuzlalakaya saya, a løvey: «Kwa waawa ma zøla Gazlavay Bay aña na, si a mbøkda mekey cek hay maaya ba hay.»

²⁰ Da way ndaw mahura na, ka høtfey cek hay mezømey cek na, taasa hay ñga børey maaya daada ba. Ama vøley hay ta gandaf hay daha may. Siya, ñga zømey cek ta pas gwagway. Siya, ñga zømey cek ta pas mabara. ²¹ Yaw, da ndaw ta mbøkdata cek hay maaya ba tabiya sem na, aña anda taasa ñga børey maaya, aña mapakaya wal ñgada Bay aña. Ndaw a na, aña maaya ñga kar sløra ñgada Bay aña. Aña mañiykaya vaw ñga kar sløra tabiya masa maaya.

²² Yaw, hway døreñ ta cek hay maaya ba masa gula hay ma wuðam ñga kamara. Key cek ta cøved e, tøba mey ñga Yesu ma føna ma føna, wuðey ndaw. Njam ta zazay ta ndøhay ma døram danğay a Bay aløkwa Mahura Yesu ta mevel maaya. ²³ Da ndøhay fa kam yawa saw na, ka da ndøkwey a hwað a ba, maja ka søra mekey yawa saw na, a handawa mekødey-vaw. ²⁴ Ndaw ma ka sløra ñga Gazlavay na, a key baazlam ba. Si a katar maaya ñgada ndøhay tabiya, a tørey ndaw ma wuzey mey maaya, a bøsa cek ma key maaya ba tabiya fa mey aña. ²⁵ Ndøhay ma tøbmara mey aña ba na, si aa sørkadata ta døk-vaw. Da kaa tøðe Gazlavay a jønta la kwa, amba a mbøddamura mevel ata ñga sørey cøved masa maaya

2:19 2.19 Mesl 16.5; Jarj 10.14 2:20 2.20 Rm 9.21 2:21 2.21 3.17
2:22 2.22 1Tm 6.11 2:23 2.23 2.16 2:24 2.24 1Tm 3.3; Tit 2.7-8

fara fara. ²⁶ Da ray ηgene, a mbəɸdamara mewulkey ata maaya ba ηgene, a ləham daa gadaη ηga bay-malula masa ma kərzata amba a kamar cek anda aa ma wuɸey heyey.

3

Mey da ray banay ta pas masa bəla gweegwe a ndəvey

¹ Səra maaya maaya, ta pas masa bəla gweegwe a ndəvey na, banay a sawa la a ray ndəhay, ² maja ndəhay a da wuɸam na, si ray ata hay gway. A da wuɸam dala kalah, a da zlapam, a da cəɸmara Gazlavay, fa da təbmarā mey ηga papa ata hay ta mama ata hay daa saba, fa da kam suse a ndaw daa saba. Cek maaya ηga Gazlavay na, a da rəsmara, ³ fa da wuɸam ndəhay daa saba, kwa ndəhay da way ata hay na, fa da wuɸmata daa ba, fa da səram dey-ceceh fa ndəhay daa saba, a da kam mbəɸa fa ndəhay, fa da wam vaw fa ray ata daa saba, a da təram ndəhay masa-həma. Cek hay masa maaya na, fa da wuɸam daa ba, ⁴ a daa dəɸam mey a ray ndəhay, a da kam cek hay saw, a da zlapam kalah. Fa da wuɸmara Gazlavay daa ba, ama a da kam na, si cek hay masa ma mbafatar gway. ⁵ A da pamara ray ata anda ndəhay ηga Gazlavay, ama a da rəsmara gədaη ηga Gazlavay. Ama kah na, hway la ta ndəhay ηgene.

⁶ Kwa wure keɸe, ndəhay da wuzlah ata fa diyam a way ndəhay ηgaa sərkadamata. A mbəzam anda ndəhay maaya, amba ηgusay manjar lenjesl a təbmatara mey ata. ηgusay a ηgene ta kam mebərey la ga. A wuɸam ηga cəney mey hay mekele mekele masa ma mbafatar.

⁷ Mandaw mandaw, a wuɸam ηgaa sərkey cek, ama a gwamara ηga sərmara mey masa fara fara ba səlak.

2:25 2.25-26 1Tm 2.4 3:1 3.1 1Tm 4.1; 2Pi 3.3; 1Jη 2.18; Jud 18 3:2
3.2-4 Gal 5.19-21 3:5 3.5 Mt 7.15, 21; Rm 2.19-20; Tit 1.16 3:6 3.6 Tit
1.11

⁸ Ndəhay ma səpmata way hay ɲgene, a wuɗam mey masa fara fara ba, anda ata Janes ta Jambəres * zleezle ma təram masa-gəra ɲga Mawiz. Ndəhay ma səpmata way hay a na, mewulkey ata maaya ba, a pamara Gazlavay ɲga ndaw ata fara fara ba. ⁹ Ama fa da gwamara ɲga diyam fa mey fa mey daa ba, maja mewulkey ata maaya ba ɲgene a wuzwa la a palah, anda mewulkey maaya ba ɲga ata Janes ta Jambəres ma wuzwa zleezle.

Pawl a kəta Timawte

¹⁰ Ama kah na, ka sərə cek masa yah maa sərkatatara tabiya a ndəhay. Ka sərə menjey aɗaw maaya maaya. Ka sərə mewulkey aɗaw da ray cek hay masa yah ma da kata tabiya. Ka sərə ya fa pa Gazlavay ɲga ndaw aɗaw fara fara. Ka sərə yah ndaw meekweɗ-mey, ya fa wuɗey ndaw, yah malacakaya deɲ e da ray mey ɲga Gazlavay.

¹¹ Ka sərə ndəhay ta sərdamaya banay la. Ka sərə yah daa banay ga. Ka sərə cek maaya ba masa ndəhay ma kamiwa daa hwayak ɲga Antiyaws ta daa hwayak ɲga Ikwaniyum, ta daa hwayak ɲga Listəra. Ahaw, ta sərdamaya banay la ga, ama mandaw mandaw Bay Gazlavay fa ləhdaya dasi har ata. ¹² Yaw, kwa waawa macəmkaya ta Yesu *Kəriste, ma wuɗey ɲga səpa cəved ɲga Gazlavay fara fara na, si a sərey banay dasi har ɲga ndəhay. ¹³ Ama ndəhay maaya ba ta ndəhay ma mbərzlam na, menjey ata fa nəsey ta gədaɲ ta gədaɲ, fa fəcam ray ata, asaya, fa fəcmata ndəhay mekele hay may.

* 3:8 3.8 Janes ta Jambəres na, daa mewulkey ɲga Jəwif hay, ara ndəhay Ejip hay ma kam maazla merəzley ndəhay fa mey ɲga Bay Ejip amba a nəsmara mey ɲga ata Mawiz ta Aranw. Nəka daa ɗerewel ɲga Mab 7.11, 22. 3:8 3.8 Mab 7.11, 22; 8.3, 14; 1Tm 6.4-5 3:10 3.10 Rm 16.24; 1Tm 1.5 3:11 3.11 SNM 13.50; 14.5; 14.19; banay: Ps 34.20; 2Kwr 11.23-29 3:12 3.12 Mt 16.24; Jarj 15.20; SNM 14.22; 1Tes 3.3

¹⁴ Ama kah na, lecey deŋ e da ray mey hay masa ndəhay nga Gazlavay maa sərkaɗamakawa masa kah ma təba ta mevel pal. Lecey deŋ e da ray mey hay a maja ka sərta ndəhay maa sərkaɗamaka na, aa sərkaɗamaka ta cəveɗ e. ¹⁵ Asaya, lecey deŋ e da ray mey hay a maja ka səra mey daa ɗerewel nga Gazlavay ɗəga kah daa bəzey. Mey hay a, a gwa a paka leŋgesl nga pey Yesu Kəriste nga ndaw akah fara fara, amba Gazlavay a ləhdaka. ¹⁶ Mey tabiya mawuzlalakaya daa ɗerewel nga Gazlavay na, a sawa ta fa Mesəfney anɗa. A jəndakwar nga sərey cəveɗ masa fara fara. A kətndakwar da ray cek hay maaya ba. A wuzdandakwara cek masa aləkwa ma kakwa maaya ba amba ya mbəɗɗakwa menjey aləkwa. Asaya, a pandakwar leŋgesl amba ya sərkwə nga key cek maaya ta cəveɗ e. ¹⁷ Da ray nɗene, ndaw nga Gazlavay a gwa nga key sləra tabiya masa maaya, maja vaw anɗa maɗiykaya nga ka sləra ha.

4

Pawl a kəta Timawte nga wuzey mey nga Gazlavay

¹ Yesu *Kəriste a vəhwa la nga zəma bay anɗa, ta nga katar sariya a ndəhay maməɗtakaya hay ta masa ta dey hay. Da ray nɗene, ya fa ləvka saya fa mey nga Gazlavay, ta fa mey nga Yesu Kəriste, ² wuzdatara mey nga Gazlavay a ndəhay. Kwa fa wuɗam nga cəndamara, kwa fa wuɗam nga cəndamara daa ba na, wuzdatara mey a mandaw mandaw cəŋga. Da ndəhay fa kam cek maaya ba na, wuzdatara mebərey ata ha, patar leŋgesl. Vəltar gəɗan amba a kam cek maaya. Sasərkaɗata ta mevel maaya.

³ Ya ləvka anda keɗe maja pas a, a wuswa la, masa

3:14 3.14 2.2; 1Tm 1.10 3:15 3.15-16 Jan 5.39; Rm 15.4; 1Tm 4.13; 2Pi 1.21
 3:17 3.17 2.21 4:1 4.1 SNM 10.42; 2Kwr 5.10; 1Pi 4.5 4:2 4.2 SNM
 20.20, 31; Tit 1.13

ndəhay ma da gəməməŋga cəndamara meŋga ŋga ndəhay maa sərkadamata meŋga masa fara fara saba. Ama a da səpam ŋga key cek maaya ba anda mevel ata ma wuɔfey. A da kusam ndəhay mekele mekele ga ŋga sərkadamata. Ndəhay maa sərkadamata ha, a da wuzmatar na, cek hay masa ma mbafatar ŋga cəney. ⁴ Fa da jəkam sləmay fa meŋga masa fara fara daa saba. A da jəkam sləmay si fa mamba hay saw. ⁵ Ama kah na, jəɔda ray akah kwa daa meeme cəpa, bəsa banay, wuzdatara *Mey-maaya-mawiya a ndəhay, ka sləra akah masa Bay Gazlavay ma vəldakawa haa mendəvey a.

Pawl a ndəvda sləra aŋga

⁶ Yah na, anda cek ma vəley ŋgada Gazlavay, pas aɔaw ta wuswa cay, mamba ya da məcey. ⁷ Ya ta ka sləra ŋga Yesu *Kəriste la ta mevel aɔaw ndav anda ndaw ma key bay-gula daa wuɔday *. Ya ta ndəvda sləra masa Gazlavay ma vəldiwa ŋga key sem anda ndaw ma key kwakurɔda maaya. Da ray meŋga hay masa aləkwa ma təbəkwa na, kwa ya ta mbəkey meŋga pal daa ba səlak. ⁸ Wure keɔde, mawurbay ŋga sləra aɔaw masa yah ma da hətər na, fa səkwya da vad məja yah ma kar sləra ta cəved e a Bay Mahura. Ara aŋga ma da katar sariya a ndəhay tabiya ta cəved e. A da vəldiwa mawurbay a ta pas masa aŋga ma da ka sariya. A da vəlda na, ŋgada yah taava aɔaw ba, ama a da vəlda ŋgada ndəhay tabiya masa ma səkwmarə mavəhwa aŋga ta meesəmey.

Mey da ray ndəhay mekele

4:3 4.3 1Tm 1.10; 4.1 4:4 4.4 1Tm 1.4 4:6 4.6 Fəl 2.17; 2Pi 1.14
 * 4:7 4.7 wuɔday: megərtəy-vaw, mewəkey-vaw 4:7 4.7-8
 1Kwr 9.24-25; Fəl 3.12-14; 1Tm 1.18

⁹ Wuswa vaw, sawa, hōtfaya, ¹⁰ maja Demas ta mbəkdaya sem. A wuɗey ŋga səpey cek hay masa da bəla keɗe kalah. Anŋa sem a Tesalawnik. Kəresens anŋa sem a Galati, Tit anŋa sem a Dalmati. ¹¹ Wure keɗe na, si ala ta *Luk gway. Da ka fa sawa na, ŋgələrwa *Mark a har maja a jənya la daa sləra. ¹² Ya ta slərda Tisik sem a Efez. ¹³ Da masa ka fa sawa na, sawa ta daa berney ŋga Tərwas, təbyawa zana aɗaw ŋga memed da har Karpus. Latərwa ɗerewel hay a har saya. Ya wuɗey kalah na, ɗerewel masa ŋga ambal.

¹⁴ Alekzandəre, ndaw-mbəzla, ta sərdaya banay la ga. Bay Gazlavay a sərda banay la təɗe fa sləra anŋa ha may.

¹⁵ Wey vaw, ba na, a da sərdaka banay kəne may, maja anŋa masa-gəra aləkwa, a təba mey masa aləkwa ma wuzdakwa a ndəhay ba səlak.

¹⁶ Ata ma handamaya ŋgeeme fa mey ŋga ndəhay ma ka sariya amba ya mbəɗɗa mey aɗaw na, kwa ndaw ta sawa ŋga jənya daa ba. Ndəhay tabiya ta mbəkdamaya sem. Anja Gazlavay ŋga mbəɗtar ray maja ba. ¹⁷ Ama Bay Mahura na, aa ta yah, fa jənya. Ta vəlya gəɗaŋ la ŋga wuzda mey anŋa tabiya, amba ndəhay masa *Jəwif hay ba ma samawa daa hwayak hay mekele mekele ga a cəndamara mey a. Asaya, Bay Mahura ta ləhdaya la da mey mabar. ¹⁸ Ya səra Bay Mahura a ləhdaya la daa cek hay maaya ba tabiya, a jəɗya la amba ya daw aa slam masa anŋa ma wey da ray ndəhay da vad. Anja ndəhay ŋga həlmamara Bay Mahura ŋga sərmataw! *Amen.

4:10 4.10 Fəl 2.21; Demas: Kwa 4.14; Flm 24; 1Jɲ 2.15; Tit: 2Kwr 2.13 4:11 4.11 Luk: Kwa 4.14; Mark: Kwa 4.10 4:12 4.12 Tisik: Kwa 4.7-8 4:13 4.13 SNM 20.6 4:14 4.14 Mt 16.27; Alekzandəre: 1Tm 1.20 4:16 4.16 1.15 4:17 4.17 Dan 6.21; Ps 22.22; SNM 1.8; 23.11 4:18 4.18 2Kwr 1.10; Fəl 1.19-20

Mey nga madagway-dakw

¹⁹ Catar har ngada ata Pəresil † ta Akilas. Catar har a ndəhay da way Awnesifar may. ²⁰ Eraste, a lawa da Kwarinti. Tərawfim na, ya mbəkdərwa da Mile maja vaw fa car. ²¹ Wuswa vaw, wuskwaa kiya nga memed a da wuswa na, kah ma sawa cay.

Ata Ebulus, Pudens, Linus, leŋ Kəlawdiya ta məlma aləkwa hay daa mecəmey-ray nga ndəhay nga Yesu mekele tabiya fedə a camaka har.

²² Anja Bay aləkwa Mahura nga njeŋ ta kah. Anja maaya nga Gazlavay nga njeŋ ta akwar.

† ^{4:19} ^{4:19} Pəresil: A zəlmara daa slam mekele Pəriska. Nəka SNM 18.2. ^{4:19} ^{4:19} Pəresil ta Akilas: SNM 18.2; Awnesifar: 2Tm 1.16-17 ^{4:20} ^{4:20} Eraste: SNM 19.22; Rm 16.23; Tərawfim: SNM 21.29 ^{4:22} ^{4:22} Gal 6.18

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur (Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 24 Nov
2021

2b021919-36cf-59da-a35f-10c5e5548811